



Concello de Casto Verde

BASES CONCURSO DE DISFRACES DO CONCELLO DE CASTO VERDE ENTROIDO 2019

PRIMEIRA.- O desfile e o concurso de disfraces terá lugar o vindeiro domingo día 3 de marzo. O desfile realizarase cun pasarrúas ás 17:00 horas saíndo da praza do Concello ata o pavillón polideportivo municipal. No caso de que fixera mal tempo suspenderase o pasarrúas e realizaríase o desfile directamente no pavillón municipal.

SEGUNDA.- O concurso de disfraces realizarase no pavillón polideportivo municipal a partir das 17:00 horas. Haberá concurso infantil e concurso de adultos, habendo 3 categorías en cada concurso e distintos premios en cada categoría, sendo estes os seguintes:

CONCURSO INFANTIL:

Categoría comparsa: 1º premio: 400 €, 2º premio: 200 €, 3º premio: 100 €, 4º premio: 70 €, 5º premio: 50 €

Categoría parellas: 1º premio: 100 €, 2º premio: 60 €, 3º premio: 50 €

Categoría individual: 1º premio: 80 €, 2º premio: 50 €, 3º premio: 40 €

CONCURSO DE ADULTOS:

Categoría comparsa: 1º premio: 500 €, 2º premio: 350 €, 3º premio: 200 €, 4º premio: 130 €, 5º premio: 90 €

Categoría parellas: 1º premio: 140 €, 2º premio: 100 €, 3º premio: 70 €

Categoría individual: 1º premio: 100 €, 2º premio: 70 €, 3º premio: 50 €

TERCEIRA.- Os participantes deberán inscribirse ese mesmo día no pavillón municipal, deixarase un tempo para realizar as inscricións antes de que comece o concurso.

CUARTA.- Enténdese por comparsa aqueles grupos formados por 3 ou mais persoas, 2 persoas enténdese parellas e 1 individual. (Referímonos a persoas que vaian disfrazadas, xa que por exemplo no caso de que algún neno/a pequeno/a queira participar na categoría de individual e teña que ir acompañado de algún adulto, só poderá ir disfrazado o neno, xa que se fora tamén o adulto o xurado entenderá que están participando na categoría de parellas).

QUINTA.- No concurso infantil participarán aquelas persoas de idade menor ou igual a 16 anos. No concurso de adultos participarán todas aquelas persoas maiores a 16 anos.

SEXTA.- Se nunha comparsa participaran persoas menores e maiores de 16 anos (mixtas), deberán presentarse ó concurso que corresponda segundo sexa a maioría dos seus participantes (metade mais un), é dicir, por exemplo: se unha comparsa a forman 10 persoas e 6 delas son persoas menores de 16 anos deberán presentarse ó concurso infantil, e no caso de que das 10 persoas 6 delas foran maiores de 16 anos deberán presentarse no concurso de adultos e así respectivamente. No caso de empate, é dicir, que nunha categoría existira o mesmo número de persoas maiores e menores de 16 anos poderán inscribirse no concurso que eles decidan, é dicir ou ben no infantil ou no de adultos. No caso da categoría de parellas utilizarase o mesmo método que o anterior.

SÉTIMA.- No caso de que algún participante se presente en máis de unha categoría ou concurso (infantil e adultos) e resultase gañador en todas as súas participacións só poderá aceptar un dos premios, debendo renunciar ós restantes. No caso de que formase parte dunha comparsa ou parellas isto non afectará ó resto do grupo, senón só á/s persoa/s que foron premiadas noutras categorías.

OITAVA.- O xurado do concurso estará formado por 3 persoas que serán as que se encarguen de valorar cada unha das categorías tanto do concurso infantil como o de adultos, valorarán de 0 a 10 cada un dos seguintes puntos: orixinalidade, simpatía, traballo realizado e posta en escena.

NOVENA.- Comezarse primeiramente co concurso infantil e logo co de adultos, o/a presentador/a do concurso irá chamando un por un a cada un dos participantes para que desfilen por diante do xurado e realicen o espectáculo que desexen. Se calquera dos participantes solicita que se lles poña un audio concreto no momento da súa actuación deberán entregarllelo ós membros da organización en dous soportes, tanto en CD como en PEN-DRIVE. **Para garantir que os distintos soportes de reprodución de audio funcionen correctamente co equipo de megafonía do que dispón o Concello, cada participante, poderá achegarse polo Concello, como data límite 2 días antes da celebración do concurso, en horario laboral e de 9.00 a 14.00 horas para deixar a súa gravación e así poder verificar o seu correcto funcionamento.** Unha vez finalice o concurso os participantes poderán pedir ós organizadores que lles entreguen os seus correspondentes soportes de audio.

DÉCIMA.- Os gañadores do concurso recibirán os premios en metálico ese mesmo día.

ONCEAVA.- A inscrición neste concurso supón a total aceptación das presentes bases e cada participante responderá sobre a validez dos seus actos, é dicir, o incumprimento dos participantes en calquera dos puntos destas bases exime de responsabilidades ós membros do xurado deste concurso e poderá supoñer, sempre e cando se detecte algún erro, a devolución do premio que houberan recibido indebidamente, podendo aplicarse esta devolución dentro dos 15 días hábiles posteriores ó concurso.

Concello de Casto Verde

Plaza do Concello, nº 2, Casto Verde. 27120 Lugo. Tfno. 982312080. Fax: 982313011